

کتابخانه

آدره من تبدیلندہ آریجہ
• غروش کوندرملیدر •

مکتوبلرک امضاری واضح
و او قوناقلی اولسی و آہونہ
صرہ نومروسی محتوی
بولونسی لازمدر

ممالک اجنبیہ ایچون آہونہ
اولانلرک آدرسلیرینک
فرانسزجہ یازلسی رجا اولنور •

یادہ کوندردلیکی زمان نہیہ
داثر اولدیفی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

آہونہ شرائطی : ہریر ایچون
سنہ لکی (۴۰۰) آلتی ایلمی
(۲۲۵) ممالک اجنبیہ ایچون
سنہ لکی (۴۵۰) ، آلتی آیلمی
(۲۵۰) غروشدر •

نسخہ سی ۷،۵ غروشدر •
سنہ لکی ۵۲ عدددر •

ادارہ خانہ : باب عالی جادہ سندہ
رشید اقتدی خاندہ

اخطارات
آہونہ بدلی پشیندر •

مسلمک موافق آثار مع الممنونہ
قبول اولنور • درج ایدلمہ یں
یازیلر اعادہ اولماز •

مدرسه لیلرک یکانه قباحی ترقیات عصریه بیکانه قالمق و اونی یسته مه مک دکل ایدی؟ ایسته بوندن صکره اولرده بوترقیات و تجداتی قبول ایتمش، اولرده احتیاجات عصریه بی آکلامش دیگر آرقداشلریله برلکده بو بولک یولجیسی اولدقلرینی اعلان ایتشلردی.

بناء علیه بوندن صوکره، ایکده برده تکرار ایدیلوب دوران «مدرسه لیلر برشی بیلمز. مدرسه ده نصرینصردن باشقه برشی اوقونماز. ایجاب عصره تطابق و احتیاجی تأمین ایتدین بو مؤسسه لر نافع برشکله صوقولمیدر...» کی نقرات ایشیدیلیمه جکدی. زواللی و تمیز قلبی مدرسه لیلر! هیچ آکلایه مامشلردی که: مدرسه ده عصرک ایجاباته کوره مکمل برتحصیل و تربیه کورمه لری ده کندیلری ایچون آتیا دها بویوک برقصور تشکیل ایده جک و بو یوزدن موجودیتلرینه ختام ویریه جکدر. بالطبع بونی خاطرلرینه بیه کتیر مزاردی. فقط امکان عالنده یاشادیغمیزی اونوتاملی بز..

تشکیلاتدن اول هر طبله خواجه سنی کندیلی اختیار و بکندیکی خواجه نک درسنه دوام ایدردی.

بناء علیه خواجه، طبله نک نظرند معاشلی برمامور، برأجیردکل؛ مشفق برمری، بابا مقامنه قائم حقیقی ویکانه برمعلم ایدی. طبله ایله خواجه آره سنده کی رابطه، بابا - اولاد رابطه سندن دها قوی ایدی. بونک ایچین درکه خواجه سندن آریلان طبله یه پک نادر تصادف ایدیلردی. خواجه نک رضاسنی آلدقجه طبله باشقه بریره کیتمزدی، حق طشره دن استانبوله کله جکلر بیه همه حال خواجه سنک رضاسنی آلیر و اوندن صکره کلیرلردی. بوتربیه نک آناری مدرسه طبله سنده حالا باقیدر. طبله خواجه سنه قارش پک بویوک حرمت بسلر ۱۳۳۶ نظامنامه سیله باشلایان یکی تشکیلات کیتدجه تکامل ایدیور، احتیاجه کوره بعض تبدلات وقوعه کلیرلردی. نهایت ۱۸ ایلول ۱۳۴۰ تاریخی نظامنامه ایله اساسلی وعصری برتشکیلات وجوده کتیریلدی.

اجتماعی موقوف

آجیه بازی و آجیه رسم مجاری

اقتشام غزته سنده نشر اولونان شو باش مقاله بی اهمیتنه مبنی عیناً نقل ایدیورز:

«باب عالی جاده سنده هر یکدجه بو موضوع خاطر مه کلیر، یازمی ایسته یورم،» — بر قاج دوستی دها رنجیده ایتکدن باشقه نه یه یارار؟ «سؤالی الی طوتیور. فقط شوراسی محقق، که بعض مزاح غزته لرنده و برطاقم ادبی نشریاته «آجیق یازی» و «جیپلاق رسم» عراق، رذالت درجه سنی چوقدن آشدی. بکن کون قاضی کوی واپورنده صاتین آلدیم بر مزاح غزته سنک ابلک صحیفه سنده کی رسمی، یانده اوطوران یاشلی باشلی برارککدن

صاقلامق ضرورتنده قالدیم. استثنای برطرفه بر اقیکز، بوکونکی مزاح وادیات، چیرکین بر «بهنامه جیلک» صنعتی اولشد.

بو صنعتک نه رسمی، نه ده یازسی قارنه نشاط ویرمک ایچون دکدر، روح ایله هیچ بر نسبتی یوقدر. بو صنعت، انسانک غلیظ و بهیمی ذوقلرینی اویاندیرارق تجارت ایتک اصولیدر.

مطبوعاتده تمیز براسم بر اقان و بروقتدیری مزاحله مشغول آرقداشلرمدن برینه بو نوع نشریاتک تهلکه سندن بحث ایتدم. بکا شو سؤالی صوردی: «فرانسه ده چیقان مجموعه لری کورمه یورمیسکز؟ حق آلمانیا ده بیه وار...» — فقط هیچ بر فرانسه طبله سنده، و بر فرانسه کنج قیزینک انده او مجموعه لردن برینه تصادف ایتک ممکنیدر؟

— بو نصیحتی طبله لره ویریکز. اولر چوققلرینی مراقبه ایتزلرله، قصور بزیمی در؟

قصور استانبول مدعی، عمومیسنک، تورک طبله سنک و تورک محرر لرینک در. اونک ایچین هر اوچنی وظیفه ده دعوت ایتک ایسته یورز.

بهنامه مزاح و ادبیاتنک بالخاصه تلقین ایتدیکی فکر، «طبله و ناموس» دشمنلی در. بو مزاح و ادبیاتده رسمی کوردیککز واسمنی ایشتدییککز هر زوج زانیه در و هر زوج بوینوزلو تصور اولونور. هپی کنج اولان طبله قادیلرندن هر برینک مطلقا بر قاج عاشق واردر. عاشق، قادینک کوزل صاچی، کوزل کوزی و کوزل برونی کی، اونی تماملایان برشیدر. صادق قوجه بر آواناق تبی اولدینی کی، صادق قادین ده، اوده قالمش اختیار قیز نوعندن، کولونج و آجیقلی بر مخلوقدر. بوادیات و مزاحده کنج قیز صفوق، تمیز باکره روحی مجهولدر.

بوادیات و مزاح، پارسک عمومخانه مجموعه لری تقلید ایدر. مان بوتون رسم و یازیلری او نوع نشریادن استنساخ ایدلشد.

بکن قیش بک اوغلنه بر فرانسه تیارو هیئت ایله بر فرانسه اوپره قی کلدی، یوایی قومیا استانبول خلقنه عینی زنا و بوینوز ادبیاتنک نمونه لری کوستردیلر. سالون تهلاشیدینی زمانلر اعلانلرک باشنه: «بو اوپون کنج قیزلر ممنوعه در» سرلوحه سی قونوردی، بونک سبی ده ازیاده کنج قیز مشترسی تدارک ایتکدی. بوتون سنلر بک اوغلنده کی صحنلر و استانبولده انتشار ایدن بر قسم مزاح غزتلریله آجیق رومانلر، ذاتاً ضعفه اوغرایان، سفاک سیبیله سنده لرن، اسکی حیات ایله یکی حیات آره سنده برانتقال بحرانی بکیرن تورک طبله سنه بو وخیم تردی یی تلقین ایتدی. شوو بو یوزلر زده کی نشریاتک محیط اوزرنده کی تأثیرینی در حال اولچمک ممکن دکدر. بوکون اکرام ایله دیکلن فکرلر، یواش یواش، هوای نسیمی یی اشباع حاله کتیر و یارین الک فضیلتی کیمسه لر ایچون بیه طبیعی تلقی اولونور. مملکتده ادبیات و فکر حرکتی تمامیه دورمشدر، منقد یوقدر، طبله مراقبه سی یوقدر، مکتب تربیه سی یوقدر. بویه قورقونج بر آنارشی ایچنده مضر و تهلکه لی اولدینده اتفاق ایتدییکمز هر هانکی بر جریانه قارش، هر تورکک بر مجادله وظیفه سی اولق لازم کلیر. صافی تجارت حرصی آنجق تورک ملتک فضیلت و یاسقو طلی ایله علاقه دار اولمایان اجنبی بازار کانلر بسله یه بیلیرلر.

هیمزک آیری آیری وظیفه لیمز واردر. بالذات بو نشریاتی ایش ایدین محررلر، جمیته ضرر ویردقلرینی دوشونمیدرلر. بابار و آنال، طبله مقدساتی تهزیل ایدن بو نشریاتک عظیم ضررندن خبردار اولمیدرلر. مدعی عمومی بکک ایسه باشقه ایشلرله فضله مشغول اولدینی ظن ایدیورز. واقعا حریت مطبوعات قارش حکومت مداخله سنک شدتله علینده یز. زیرا حکومت مأمورلرینی، قاج سنه در تجربه ایتک. کوچک بر صلاحیت بخش ایتدییککز مأمورک، بو تقیدسز سرستیسنی نره یه قدر کورتوره جکینی تخمین ایده بیلیرز. خایر، بونی ایسته م یورز. تهلکه نک اوکنه بکیمک ایچون محرر آرقداشلر مرک، طبله لرینک واستانبول مدعی، عمومیسنک تیغظ و دقتلری کافیدر! — فالخ رفی»

اعتدالک ضدی در . بزم اولدنبری بتون تلاشیمنز عاقله رابطه سینه ، ملتزمك مشهور اولان عفت حسنه ، اخلاقی متانتنه ضرر کلسندن قورقدیغمزدندر . نه کیم بوقورقو بوکون بزله تعصب عطف ایدنلردهده حاصل اولمغه باشلادیفی نظرمنونیتله کورولمکده در .

اونه دن بری بز ، مملکت مزه الکیوک ضرر کتیرم ، عاقله رابطه لرینی بریشان ومضمحل ایدن فحشه ، اخلاق سزلغه قارشی جدی تدبیرلر اتحادینی ایستیورز . بونک ایچون متعدد مقاله لر یازدق . ملتک اکثریت عظیمه سنک روحنه پک موافق اولان فکرلریمزک پک چوق طرفلردن حسن قبول کوردیکنه دائر مکتوبلر آلدق . فقط ناصلسه بر قسم منورلرمز طرفدن یاردم کورمدکن باشقه اعتراضلره ، مخالفتلره ، تعریضلره معروض قالدق .

بوکون قادینک بار دینیلن میخانه لره کیتمسینی خوش کورن ، حق لوازم مدینه دن عد ایدن محررلرمز ، مأمورلرمز ویا هر هانکی صنف خلغمز بیلمه لیلردرکه برملتی سعاده ایصال ایده جکده ، حقیقی مدلتنه تنزیل ایده جکده قادینلق در . قادینی بارلرده ، غازیولرده بر طاقم مست وسفیه کیمسه لره باز ییجه سی ایتمک ملتک استقبالی معاذالله سفهلره ، متردیلره محو ومضمحل ایتمک دیمکدر . بزم اعتقاد مزجه ، ولوکه مرهانکی بر جمعیت خیره نک منفعتی ایچون اولسون ، قادینلری یابانچی ارککلره دانسه آلیشیدیرمق وبونی کبارلق عد ایده رک بوتون کنج قیزلرمزده ، قادینلرمزده نامحرم آله تسلیم اولمقده محذور اولمادیفی وبالعکس بونک ترقیات عصریه لوازمندن اولدینی حقنده بر اعتقاد حاصل ایتمک البته ملی موجودیتک خیرینه برایش دکدر .

ایشته هپسندن اول نظر اعتباره آله حق جهت تجربه سزکنجلیری ، ائی بی کوتونی تفرقه مقتدر اولمایان برطاقم کیمسه لری یا کلس وتهلکلی اعتقادلره سوق ایده جک تشویقاتدن احتراز اتمه مزایدی . بویله اولمادجه آجیق یازی یازمایک ، آجیق رسملر یامایک کبی سوز پک آز تأثیر . ایده . ایش مقتدا وپشوا عد ایدیلن قسمک ، خط حرکتلری آداب و اخلاق ملییه توفیق ایتملرنده در . یوقسه بونلر بالفعل مضر سربستی ی تجویز واجرا ایتمکده دوام ایدرلرکن کنج محررلردن ، مزاحمیلردن نریه وادب آموز یازیلر ، رسملر بکلمک بیلیمز نه درجه مفید اولور ؟ بزجه ایشک خیرلیسی اجتماعیمز نریه ، وقور ، متین ، مکین ، عقیف بر حاله کتیره بیلیمک ایچون هپسندن اول اخلاقی بر تشکیلاته ، بر مراقبه اجتماعیه هیئتک تشکله احتیاج واردر . بو تشکیلاتی اداره ایده جک ذوات طبعی هر محله نک اک نریه ومقتدر ذواتی اوله جقدر . بر کره ویریله جک تربیه نک اساس یوللری تنظیم ایدلمی و او یوللر اوزرنده هر نرهده اولورسه اولسون ملتی فضیلتی ایده جک تربیه اصوللرینی آلوب تطبیقنه اهتمام ایتمی در . هر حاله بو ملتی عفت

بومقاله مناسبتیه بر قاردهده آقشام غزته سینه شو مکتوبی کوندر مشدر : « متاعنی سورمک ایسته یلرک حیا وحجاب پرده سنی کیت کیده دها فضله بیرتقلری بردورده یاشایورز . اخلاق قیصلری اوقدر آلت اوست اولدی که دون یاناقلمزی قیزارتان بر منظره بوکون دوداقلرمزده تبسملر یاراتیور ، وقبله ادب وناموس اربانی قاجیران شیرل شیمدی براوکسه خدمتی کورویور . اخلاق سزلق اوقدر رواج بولدی که ، « اخلاق سزلق » اولدینی باغیر مادجه نه ذوقک ، نه ادبیاتک ، نه رسمک ، نه تیارتونک ، نه سینه مانک جاذبه سی قالمایور . اولچوسی هرکون بر آرز دها آرتان زهرله اعصابی آلیشان تریاک کبی ، حساسیتیز هرکون بر آرز دها کورله شیور . دون تجسس می تحریک ایدن برشی ، بوکون بزده بر صراق حسی یله تحریک ایتمیور . کیزلی قوفا نین تاجرلرینک ملتستکار لطفی قارشیشنده کبی هرکون « آرز دها ، بر آرز دها ... » دییورز . بر حکایه نک سطرلری آرمسندده بعضاً عریان برکله سزدیکمز زمان حد تلنیردک . دولتک بوتون تأدیپ قوتلری حرکت کلدیدی . شمدی ، کوزلریمزک اوکنده اک قابا برهنه مانک صحیفه لرینی برر برر آچیورلر ، طبعی کورویورز . مزاح ، یازیلره و رسملره ، فرنگلرک « یورنو غرافیک » نامی ویردکلی برنوم زما ادبیاتی اولدی ؛ غریک اک آشانی طبقه لرنده سوروکله نوب کیدن ملوث نشراتی ، بر دنیله ادبیاتیمزک شاه اثری یایدق . رساملرمز ، جیپلاق قادین و آلداتیلش قوجه رسمندن باشقه قاریقاتور یابامیورلر ، مزاح غزته لری آرمسندده قوه باهییه یی تحریک مسابقه سی آچیلدی .

بو اخلاق آمارشیشندن استفاده ایده رک حساسیتک بوتردیسینی براحتکار واسطه سی اتحاد ایدن تیارتو وسینه ماصاحب لری ده ره قلاملرک آلتنه یکی بردستور بولدیله : « کنج قیزره ممنوعدر ! » اخلاق سزلقی اخلاق قاعده سیله اعلان ایتمک ایچون بوندن دها ابلیسانه بر شکل بولونامازدی ، کنج قیزلرک عفت وحجایی ، صیانت اندیشه سی آلتنده بوزمق ایچون ، « ممنوع میوه » نک جاذبه سی بوندن دها فضله سوء استعمال ایدیلنه مر .

فقط آرتق عار وحیا ایله بوقدر اوینامسی سیکیره دوقونیور . کون آشری ره قلاملرده کوردیکمز « کنج قیزله ممنوعدر ! » عبارته سی تورک اخلاقیه فجیع بر استهزا حالی آلدی . مدعی عمومیک ، ضابطه اخلاقیه نرهده ؟ کنج قیزلرک وقادینلرک سیر ایده میه جکی بریه س ، بر فیلم ارککلره نصل کوستریله ییلر ؟ اگر بوره قلام یالانسه عامه نک اخلاقیه بویله نصل اوینانه ییلر ؟ ضابطه قومارخانه لری باصیور ، رانده دوو یرلینی قاپایورمش ! سینه ما پرده سی ، مزاح نامی آتته خلقه هرکون بیکارجه نسخه سی اوقوتدیر یلان زما منهلری ، اخلاق عمومیه ده آرز مضر می عید ایدیلیور ؟

اقشامک باش مقاله سنک مندرجائی فالج رفقی بکک فکرلرنده شایان شکران بر تحوّل حاصل اولدینی کوسترمکده در . بز اساساً آجیلان فضله سربستی طریقنک بو نتیجه یی انتاج ایده جکنی پک اولدن کورمش و بو عفت شکن جریان مانع اولمق ایچون وسعیمزک یتدیکی قدر بذل مساعیده بولونمش ایدک . او وقتلر بزم بومساعیمز تعصبه حمل ایدلش ، قادین وارکک مناسباتنده یاییلمق ایسته نیان فضله سربستی « ناموس ملییه نرض دکل ، کندیلرینه غایت طبعی وکوزل کلدیکی ، سسویلنمش ایدی . شیمدی ایسه او طبعی وکوزل کورولن جریانلرک طبعی نتایجنک بر قسمی اولان آجیق رسم و آجیق یازیلر فالج رفقی بکک بیلره روحنی عصانه کتیریور .

هیچ کیمسه کندیسنه متعصب دیدیرتمک ایسته من . زیرا تعصب

ارف علما و منتخب تالیاتك اسرمامانی

اوف قضای علماسیله منتجب تالیات طرفدن تورکیا جمهوریتی ریاست جلیله سنه آتیده کی تلفرافك چکیلدیکی اوفدن اداره خانه مزه بیلدیریشدر :

آنقره نورکیه جمهوریتی ریاست جلیله سنه ، صورتی هیئت وکیلیر

توحید تدریسات قانونی موجبجه بریان امر اوزرینه قضا مزده اصحاب خیرات طرفدن انشا و علما طرفدن حسبی اداره ایدیلن یتیم اوج مدرسه تماماً سد ایدلدی . فقط کشادی وعد بیوریلان امام ، خطیب مکتبلری هنوز آجیلما ی . شوخالده تحصیلده بولتان بیکی متجاوز طلبه میداند قالدینی کی سنه آتییه ترک یدیلده جک طلبه تحصیلده دکلدر دییه رك سوقلری لازم کلدیکندن احتیاجات دینه مزدن اولان علوم دینه مزك کوکندن قالدیریله جنی آ کلاشیلیور . حمد اولسون بز مسلمانز، حکومت مزده اسلام حکومتیدر . دینز ایچون جانمزی ، مالمزی فدا ایدنلرده نز . دینسز بر کون یشامانی آرزو ایتمین بو ملته امور دینه سنی اوکرده جک عالم ، امام ، خطیب لازمدر . ممالک اجنیه ده کی اسلامله بیله عالم ، مرشد یتشدرین اوف قضاسنک مدارس موجوده سی اصلاح ایدیلنجه یه قدر کالاول صنف امتحانلرینک اجراسیله تحصیلده دوام ایتدیرلسنی استرحام ایلرز .

مهمهده حفظ قرآن مجملری !

توحید افکار رفیق مزده اوقونمشدر :

قونیهدن موثوق الکلم محترم برذات مطبعه مزه یازیور :
« مقدما ، حافظ یتشدریمك اوزره (قونیه) ده تأسیس ایدیلش اولان (دارالحفاظ) معارف و کالتنک امریله سد ایدیلش ، بونک اوزرینه حافظلر جامع شریفده حفظ قرآن درسنه باشلامشدری . بونی خبر آلان معارف مفتشی ، درس اناسنده جامعه کیده رك حافظلرک حقیقه حفظ قرآن درسنه دوام ایتمکده اولدقینی کورمش و بونک اوزرینه حافظلری « جرم مشهود » حالنده یاقه لادینی مبین برابور قلمه آلوب مافوقنه تقدیم ایتشدر . »

حفظه چالیشانلری جرم مشهود حالنده یاقالایان سابقا پولیس مفتشی اولماسی محتمل - معارف مفتشی بوغیرته مکافاة بدرجه ترفیع ایدله دیمی عجا ؟

(لایق) برحکومت تأسیس ایتدیکمزی ادعا ایلده دیکمزه و (لایق) لنگ ایسه کیسه نك وجدانه ، دین و ایمانه قاریشماقی دیمك اولدینی سویلدیکمزه نظراً (قونیه) ده کی معارف مفتشنک جامعده فقط قرآن چالیشانلری نه حقله یاقالادینی و نه صلاحیتله طلبه نك « جرم مشهود » حالنده حفظ قرآن ایلده دکلرینی مبین راپور قلمه آلهرق مافوقنه تقدیم ایلده دیکنی صورمه حقمز یوقی ؟

بعض آثار و طنپورانه یی اوقویانلره قارشى دور استبدادده بویه جرم مشهود حالنده ینه زورناللر ویریلر و اوژورناللره سلطان حمید طرفدن احسانلره مقابله ایدیلدی . او اسکی زورنالچیلیق اصوائی آکدیران بوحادثه قارشوسنده (لایق) معارف وکیلنک نه یایدینی ، معارف مدیرینی تجزیه ایدوب ایتهدیکنی صورمه حقمز یوقی ؟

شهزاده باشی : اوقاف اسلامی مطبعه سی

و نراهه دعوتله بر مدتدنبیری کیتمکده اولدیغمز یا کلش اجتماعاتنک تصحیحجه انک زیاده خدمت ایدمکده قسم مطبوعاتدر .

مطبوعات نراهت و عفت ملییه نه درجه حرمت کوستررسه اوقدر اجتماعی تهلکک انک اوتنه چکیلمش اولور . اجتماعی فسادلرک ازاله سی ایچون بونک مطبوعات قدر مؤثر هانکی واسطه اجتماعی واردر ؟ بونک سقوت اخلاقینک عواملی میاننده انک بویوک حصه مسئولیت مطبوعات ترتیب ایتمکده در . بر مسئولیتدن اکثریت اعتباریله مطبوعات برمییه مزده مستغنی قاله ماز . مسلمان قالدیلرینی - کبار فحش یا قلملری اولان - بارلره کیتمه یه ، ارککلرله دانس ایتمه یه ، صحنه لره چیقارتهرق آقتریسک ایتدیرمه یه ، سینه مالرده ، تیارولرده ارککلرله دیز دیزه اوطورتمه یه تشویق ایدن مطبوعات یومیه مز دکلدر ؟ بو خصوصده بلکه مسئولیتلرک انک بویوک حصه سی اقشام غزته سنه طائد اولسه کرکدر . اقشام غزته سننک یازدینی حکایه لر مزاحی غزته لرك عفت شکنانه نشریاتندن پک فرقلی دکلدر . مع مافیه اقشام غزته سننک کچه ده اولسه ، حق و حقیقه طرفدار اولمسی شایان تقدیردر . فالج رفقی بکک بومقاله سنه ، بعضلرینک ذاهب اولدینی کی ، برسیاسی برطاقم سوانقده آرایه جنی دکاز . بز بونی صمیمی اولهرق قبول ایدیورز . و بوتون محررلرکده صمیمی اولهرق کمال اهمیتله نظر دقته آلملرینی تمی ایدیورز .

اهمزه مدینک انراهنه قارشی سیرجی قانله بیلیرمی ؟

اقدام فزته سنک باش محرری احمد جودت پک یازیور :

« بر مملکتک ، بر ملتک معناً یوکسلمه سنه خدمت ایدنر ، او ملت و مملکتک علماسی ، ادباسیدر . بتون ممالک متدنده کورولمشدرکه علم و قلم صاحبلری هیئت اجتماعی معناً اصلاحه لزوم کوردکلری زمان مؤلفات ایله خلقک سویه سنی یوکسلتمک ، ذهنلرده اجتماعی انقلاب وجوده کتیرمکده موفق اولمشلردر .

شمدی بزم مملکتمز ایچونده علما و ادباتک خدمتبه پک بیوک احتیاج کوریلدیور . سویه معنویه جه یوکسلمک خلق محتاجدر . چونکه او سویه یی بر طاقم حادثات تضییق ایتمکده باشلامشدر . بوکا نشریاتده لایبالیکده سبب اولویور . رسملر اوستنه توك دیکور . سینه مالرک فنا فیلملری ضربه سی ده جابا . . . اخلاق عمومیه مزده آشاغییه طوغری بر تبدل واردر . بوکا تأثیر ایدمک چاره لردن بری ، اخلاق و سجه نك مجراسنی چویره جک اثرلدر . مملکتک تنویره ، بوزمانده کی احتیاجی قدر ، هیچ بر زمان احتیاج کوروله مشدر . بز احوال عمومیه مزه باقنجه بواحتیاجی چوق ای حس ایدیورز . خلق ده آرتق وقتلرینی خفیف شیلرک مطالعه سنه حصر ایدیورلر ، خفیف شیلردن خوشلانیلورلر . بو ، نه قدر تأسف ایدیلده جک بر شیدر ، ایچنده بولندیغمز وقایع ، بزه آتی نك اهمیتنی کوسترمکده در . بوقدر هم بر موقعی بولتان تورک خلقنی چوق تنویر ایتک اقتضا ایدر . بز عموماً باشقه بر تربیه محتاجز .

بناء علیه بر طرفدن ارباب قلم ، دیگر طرفدن علما و فضلا و متخصصین ، هیئت اجتماعی مزك محتاج اولدینی مسائل مادیه و معنویه یی مقاله لرله ، رساله لر ایله تمهید ایتیلدرلر . راحت راحت سیرجی اولهرق اوطورمق اوله ماز . »